

卷二十七

書名 藝文類聚一百卷
 嘉靖中天水胡纘宗刊本
 撰者 唐 歐陽詢 撰
 卷 卷二十七
 內容分類 子 類書 彙考 唐五代
 索書號 子部 類書 2
 編號 C5912500

藝文類聚卷第一

唐太子率更令弘文館學士歐陽詢撰

天部上 天 日月星雲風

天

闕易曰 哉乾元萬物資始乃統天雲行雨施品物流形大明終始六位

時成時 六龍以御天乾道變化各正性命 又曰立天之道曰陰與陽

又曰天 健 尚書曰乃命羲和欽若昊天 又曰皇天震怒命我文考

肅將天 禮記曰天地之道博也厚也高也明也悠也久也日月星辰

繫焉 論語曰天何言哉四時行焉百物生焉 老子曰天得

一以 春秋繁露曰天有十端天地陰陽水土金木火人凡十端天亦

喜怒 樂之心與人相副以類合之天人一也 爾雅曰穹蒼蒼天

也春 夏為昊天秋為旻天冬為上天 春秋元命苞曰天不足西

北 故天周九八十一萬里 渾天儀曰天如雞子天大地小

天 地各乘氣而立載水而浮天轉如車轂之運 黃帝素問曰

彩色首頁1

東洋文化研究所漢籍目錄 編號: C5912500
 東洋文化研究所漢籍目錄所藏漢籍善本文影像資料庫 索書號: 子部 類書 2
 漢籍善本文影像資料庫文本藝文類聚一百卷 嘉靖中天水胡纘宗刊本
 版權所有: 東京大學 東洋文化研究所
 使用上的注意事項



藝文類聚卷第二十七

人部十一 行旅

行旅

爾雅曰征邁行也 易曰天行健 又曰牝馬地類行地無疆 又曰利有攸往 毛詩曰周大夫行役過立以宗廟宮室盡為禾黍彷徨而不忍去 行邁靡靡中心搖搖 又曰周公至東山惴惴不歸我來自東零雨其濛 又曰我行其野芄芄其麥 又曰惠而好我攜手同行 又曰行道遲遲中心有違 山書曰歲二月東巡狩至于岱宗五月南巡狩至于南岳八月西巡狩至于西岳十有一月北巡狩至于北岳 左氏傳曰不有居者誰守社稷不有行者誰扞牧圉 又曰先王卜征五年歲襲其祥祥習乃行 又曰行字之往來其資糧靡屨其可也 又曰凡公行告于宗廟及行飲至會酌策勳焉禮也 又曰君行師從卿行旅從 又曰昔周穆王欲肆其心周行天下將皆必有車轍馬迹焉 禮記曰行則有隨立則有序行而無隨則亂於行 莊子曰黃帝將見大隗

於具茨之山方明爲馭昌寓參乘於襄城之野七聖皆迷適遇牧馬童子
問塗焉 又曰黃帝遊乎赤水之池登於崑崙之丘 又曰適百里者宿
糧適千里者三月聚糧 家語曰齊人歸女樂魯君觀之三日不朝孔子
遂行 穆天子傳曰天子北征絕淳水西征賓于王母天子觴西王母瑤
池之上 史記曰禹乘四載隨山川木山行乘橈泥行乘橈陸行乘車水
行乘舟 又曰老子居周久之見周之衰乃遂去關關令尹喜曰子將隱
矣喜與老子俱之流沙之西 又曰秦始皇至雲夢望祀虞舜於九疑浮
江下觀丹陽至錢唐臨浙江上會稽祭大禹望於南海傷海北至琅邪
漢書曰武帝行幸雍遂北出蕭關歷獨鹿鳴澤自代而還 又曰行幸至
甘泉宮賓禮外國客又行幸東海獲赤鴈 又武帝南巡至盛唐祀虞帝
於九疑祭天柱山自尋陽浮江斬蛟江中遂北至琅邪傷海而還所過名
山大川 又曰張騫爲郎募使月支匈奴留之十餘年騫持漢節不失西
走大宛抵康居傳至大月支王從月支至大夏窮河源廣地萬里九譯致
殊俗威德遍於四海 詩 古詩曰驅車遠行役悠悠涉長道四顧何茫茫

東風搖百草所遇無故物焉得不速老 魏文帝詩曰漫漫秋夜長烈烈
北風涼展轉不能寐波衣起彷徨俯視清水波仰看明月光鬱鬱多愁思
綿綿思故鄉願飛安得翼欲濟河無梁 又於明津作詩曰遙遙出上亭
皎皎雲間星遠望使心懷遊子戀所生驅車出北門遙望河陽城 魏陳
王曹植雜詩曰悠悠遠行客去家千餘里出亦無所之入亦無所止浮雲
翳日光悲風動地起 又曰游魚潛淥水翔鸞薄天飛始出嚴霜結今來
白露稀 魏阮瑀詩曰臨川多悲風秋日苦清涼客子易爲戚感此用哀
傷攬衣起躑躅上觀心與房三星守故次明月未收光雞鳴當何時朝晨
尚未央還坐長嘆息憂憂安可忘 又曰我行自凜秋季冬乃來歸置酒
高堂上友朋集光輝念當復離別涉路險且夷思慮益惆悵淚下霑裳衣
晉王讚詩曰朔風動秋草邊馬有歸心昔往倉庚鳴今來蟋蟀吟人情懷
舊鄉客鳥思故林 晉張協詩曰述職投邊城羈束戎旅間下車如昨日
望舒三五圓流波戀舊浦行雲思故山 晉陸機赴洛詩曰摠轡登長路
嗚咽辭密親借問子何爲世網嬰我身永嘆遵北渚遺思結南津 又曰

遠遊越山川山川修且廣振策陟崇丘按轡遵平莽夕息抱景寐朝徂街
思往 又尸鄉亭詩曰東遊觀鞏洛逍遙丘墓間秋草蔓長柯寒木入雲
烟發軫有夙晏思駕無愚賢 晉湛方生帆入南湖詩曰彭蠡紀三江廬
岳主衆阜白沙淨川路青松蔚巖首此水何時流此山何時有人運互推
遷茲器獨長久悠悠宇宙中古今迭先後 又還都帆詩曰高岳萬丈峻
長湖千里清白沙窮年絜林松冬夏青水無暫停流水有千載貞寤言賦
新詩忽忘羈客情 晉成公綏詩曰洋洋熊耳流巍巍伊闕山高岡碣崔
嵬雙阜夾長川素石何磷磷水禽浮翩翩遠涉許穎路顧思邈綿綿鬱陶
懷所親引領情緬然 宋陶潛赴假還江陵夜行塗口作詩曰閑居三十
載遂與塵事冥詩書敦宿好園林無俗情叩枻新秋月臨流別友生涼風
起將夕夜景湛虛明 宋謝靈運入東道路詩曰整駕辭金門命旅惟詰
朝懷居顧歸雲指塗泝行飈屬值清明節榮華感和韶陵隰繁綠杞墟囿
粲紅桃噶噶暈方唯纖纖麥垂苗隱軫邑里密緬邈江海遼滿目皆古事
心賞貴所高曾連謝千金延州權七公朝行路既經見願言寄吟謠 又之

郡發都詩曰述職期蘭署理棹變金素秋听沉夕陰火吳團朝露辛苦誰
爲情遊子值頽暮生幸休明時親蒙英達顧空班趙氏壁徒乖魏王瓠從
來漸二紀始得傍歸路將窮山海迹永絕賞心悟 又發石首城詩曰
珪尚可磨斯言易爲緇雖抱中孚爻猶勞貝錦詩寸心若不亮微命察如
絲日月垂光景成貸遂兼茲出宿薄京畿晨裝搏曾颺重經平生別再與
朋知辭故山日已遠風波豈還時遙遙萬里帆茫茫終何之欽聖若日暮
懷賢亦悽其皎皎明發心不爲歲寒欺 又七里瀨詩曰孤客傷逝湍徒
旅苦奔峭石淺水潺湲日落山照曜 又初往新安桐廬口詩曰感節良
已深懷古亦云思不有千里棹孰申百代意旣及冷風善又即秋水駛江
山共開曠雲日相照媚景夕羣物清對玩咸可喜 又夜發石關亭詩曰
隨山踰千里浮溪將十夕鳥歸息舟楫星闌命行後亭亭曉月映冷冷朝
露滴 又彭蠡口詩曰春晚綠野秀巖高白雲屯千念集日夜萬感盈朝
昏攀崖照石鏡牽葉入松門 又初發入南城詩曰弄波不輟手玩景豈
停目雖未登雲峯且以歡水宿 又往臨川郡發石頭城詩曰越海陵三

山遊相歷九疑欽聖若旦暮懷賢亦悽其 宋顏延之北使至洛詩曰振
楫發吳州秣馬陵楚山塗出梁宋郊道由周鄭間前登陽城路旦夕望三
川伊洛絕津濟臺館無尺椽空階多巢穴城闕生雲烟 宋鮑照還都道
中詩曰昨夜宿南陵今旦入蘆洲客行惜日月崩波不可留侵星赴早路
畢景逐前儔發驢眺淮甸掩泣望荊州絕目盡平原時見遠烟浮 又從
臨海王西鎮發新亭詩曰客行有苦樂但問客何行攀龍不待翼附驥絕
塵冥梁珪分楚牧羽鷁指全荆狐兔懷窟志犬馬戀主情 又登黃鵠圻
詩曰適郢無東轅過夏有西浮三崖隱丹墀九派引蒼流淚竹感湘別荆
珠懷漢遊 又還都在路詩曰夕聽江上波遠極千里且寒烟警窮蹊爽
氣起喬木 又至竹里詩曰復澗隱松聲重崖伏雲色君子樹令名細人
効命力不見長波水清濁俱不息 又齊劉繪入琵琶峽望積布磯詩曰
江山信多美此地最爲神以茲峯石麗重在芳樹春照爛虹蜺雜交錯錦
綉陳却瞻了非面前觀已復新翠微上虧景青莎下拂津 齊謝朓和劉
繪琵琶峽望積布磯詩曰昔餘侍君子歷此遊荆漢山川隔舊賞朋僚多

雨散惆悵懷昔踐髮像得殊觀頰紫共彬駁 雲錦相凌亂 又晚登三山
望京邑詩曰灞涘望長安河陽視京縣白日 麗飛甍參差皆可見餘霞散
成綺澄江靜如練誼鳥覆春洲雜英滿芳甸 又休沐重還道中詩曰還
叩歌賦似休汝車騎非霸池不可別伊川難 重違汀葭稍靡靡江葉復依
依田鵠遠相叫沙鳩忽爭飛雲端楚山見林 表吳岫微歲華春有酒初服
偃郊扉 齊孔稚珪旦發青林曰孤征越清江遊子悲路長二旬倏已滿
三千眇未央草雜今古色巖留冬夏霜寄懷中山舊舉酒莫相忘 齊劉
瑱上湘度琵琶磯詩曰茲山挺茲尊孤起秀雲中陂池激楚浪紛紜絕宛
風烟峯晦如晝寒水清若空頡頏鷗舞白流 亂葉飛紅 梁簡文帝經琵琶
峽詩曰百嶺相迂蔽千崖共隱天橫峯時礙水斜岸或通川 梁孝元
帝經巴陵行部伍詩曰涉江望行旅金鉏開採游水際含天色虹光入浪
浮柳條恒拂岸花氣盡燻舟叢林多故社單戍有危樓 梁范雲述行詩
曰振策出燕代驅車背朔并翩翩朱蓋轉蕭蕭良馬鳴 梁劉孝綽還渡
浙江詩曰季秋弦望後輕寒朝夕殊商人泣 紉扇客子夢羅襦憂方自難

遣况復阻川隅日暮愁陰合統樹噪寒鳥濛濛江烟上蒼茫沙嶼蕪解纜
辭東越接舳鷺西徂懸帆似馳驥飛棹若驚鳧言歸遊俠窟方從冠蓋衢
又夕逗繁昌浦詩曰日入江風靜安波似天流暮烟生遠路夕鳥赴前洲
又月半夜泊鵲尾詩曰客行三五夜息棹隱中洲月光隨浪動山影逐波
流 梁劉孝儀帆渡吉陽洲詩曰揚帆乘浪華嘒鼓揚風力近樹倏而還
遥山俄已逼欲比驚龍掣將頓陽鳥翼客行悲道遠唯須前路極 梁劉
孝威帆渡吉陽洲詩曰江潮凌晚急鉦鼓候晨催幸息榜人唱聊望高帆
開聯村倏忽盡循汀俄頃迴疑是傍洲退似覺前山來將與圖南競誰云
勞泝洄 梁江洪詩曰日沒風光靜遠山深無雲潮落晚洲出浪罷沙成
文挾琴上高岸望月彈明君去家未千里斷絕怨離羣 梁吳筠酬鮑畿
詩曰振棹出江湄依依望九疑欲謁蒼梧帝過問沅湘姬折荷縫作蓋落
羽紡成絲吾行別有意不爲君道之 又憶費昶詩曰皎皎日將上獵獵
起微風山沒清波內帆在浮雲中直趣珠星北斜開碧海東故人若思我
當念離根蓬 又使廬陵詩曰悵然不自悟端憂坐漠漠風急鴈毛斷水

堅馬迹落客子饑寒多江上衣裝薄何當報恩寵驅車還北郭 梁王僧
孺中川長望詩曰長川杳難即四望四無極安流寧可值憤風方未息危
帆渡中懸孤光岩下仄岸際樹難辨雲中鳥易識莫恨東復西誰知迂且
直故鄉相思者當春受顏色獨寫千行淚誰同萬里憶 梁何遜度連圻
詩曰客子行行倦年光處處華石浦生促節岩樹落高花 又還度五洲
詩曰睠言還九派迴臚出五洲蕭散烟霞晚清淒江漢秋沙汀暮寂寂蘆
岸夕修修 又富陽浦口和朗上人詩曰客心愁日暮徙倚空望歸山烟
歛樹色江水映霞輝獨鶴凌風逝雙鳥出浪飛故鄉千餘里茲夕寒無衣
梁虞騫尋沈剡夕至噉亭詩曰命楫尋嘉會信次歷山原捫天上雲糾舉
石下雷奔澄潭寫度鳥空嶺應鳴援榜歌唱將夕商子處方昏 梁王筠
遊望詩曰晨登黃馬坡遥望白龍堆風威盡撩折路險車輪摧 梁朱超
泊巴陵詩曰月夜三江靜雲霧四邊收淤况不通挽寒浦劣客舟迴風折
長草輕冰斷細流古村空烈樹荒戍久無樓 梁庾肩吾舟中寒望詩曰
日暮敞鳧舟曾冰合駛流雪照齊君履寒入楚王裘 周王褒始發宿亭

詩曰送人亭上別被馬 擬中嘶漠漠村煙起 離離嶺樹齊 落星侵曉沒 殘
月半山低 又和趙王途中詩曰飄飄映車幕 出沒望連旗 度雲還 翔陣
迴風即送師 峽路沙如月 山峰石似眉 村桃拂紅粉 岸柳被青絲 錦城遙
可望 迴鞍念此詩 周 庾信將命使北 始渡瓜步江 詩曰校尉始辭國 樓
船欲渡河 輻軒臨磧岸 旌節映江沱 觀濤想帷蓋 爭長憶干戈 雖同燕市
泣 猶聽趙津歌 又入 彭城館 詩曰襄君前建國 項氏昔威稜 鴉飛傷楚
戰 雞鳴悲漢園 年代殊 氓俗風雲更 盛衰水流 河磬動山深 喧狖飛夏餘
花 欲盡秋盡 燕將稀 槐庭垂綠穗 蓮浦落紅衣 又詩曰飛蓬損腰帶 秋
鬢落容顏 寄言舊相識 知余生入關 陳陰鏗和傅郎歲暮還湘州 詩曰
蒼茫歲欲晚 辛苦客方行 大江靜猶浪 扁舟獨且征 棠枯絳葉盡 蘆凍白
花輕 戍人寒不望 沙禽迴未驚 湘波各深淺 空軫念歸情 又晚泊五洲
詩曰客行逢日暮 結纜晚洲中 戍樓因碨險 村路入江窮 水隨雲渡黑 山
帶日歸紅 遙然一柱觀 欲輕千里風 又夜發 詩曰夜江霧裏闊 新月迥
中明 溜舫唯識火 驚鳧但聽聲 勞者時歌榜 愁人數問更 漢劉歆遂

初賦曰歆好左氏春秋 欲立於學 官時諸儒不聽 歆乃移書太常 責讓深
切 爲朝廷大臣所非 求出補吏 後徙五原太守 志意不得 經歷故晉之城
感 今思古 遂作斯賦 得玄武之嘉兆 守五原之烽燧 馳太行之岩防 入天
井之喬關 望亭燧之皦皦 飛旗幟之翩翩 迴百里之無家 路修遠之綿綿
勒漳塞而固守 奮武靈之精誠 據趙奢之策慮 威謀完乎金城 後漢班
彪北征賦曰紛吾去此 舊都兮 駢遲遲以歷茲 遂舒節以遠逝兮 指安定
以爲期 飛雲霧之杳杳 涉積雪之皚皚 遊子悲其故鄉兮 心愴恨以傷懷
攬余涕於邑兮 哀生民之多故 諒時運之所爲兮 永伊鬱其誰訴 後漢
曹世叔妻班氏東征賦曰惟永初之有七兮 余隨子平東 征時孟春之吉
日兮 撰良辰而將行 遂去故而就新兮 志愴恨而懷悲 明發曙而不寐兮
心遲遲而有違亂 曰君子之思必成之兮 盍各言志 慕古人兮 後漢蔡
邕述行賦曰余有行于京洛 邁淫雨之經時 塗迢迢其寒連 潦汙滯而爲
災 聊弘慮以存古 宣幽情而屬詞 行遊目以南望 覽太室之威靈 顧大河
于北垠 觀洛汭之始弁 牽陵阿以登降 赴偃師而精勤 壯田橫之奉首 義

二士之夾墳 魏崔琰述初賦曰琰性頑二訥至二十九粗關書傳聞北
海有鄭徵君者當世名儒遂往造焉道由齊都而作述初賦曰有鄭氏之
高訓吾將往乎發矇灑余髮於蘭池振余珮於清風望高密以亟征戾衡
門而造止覲游夏之莪莪聽大猷之篇記高洪崖之耿介羨安期之長生
登川山以永望臨洞浦之廣溟左揚波於湯谷右濯岸于濛汜運混元以
升降與三光而終始蓬萊蔚其潛興瀛壺嶼以駢羅列金臺之蹇產方玉
闕之差峩 晉陸機行思賦曰背洛浦之遙遙浮黃川之裔裔導河曲以
悠遠觀通流之所會啓石門而東縈汾汴渠其如帶託飄風之習習冒沉
雲之藹藹商秋肅其發節玄雲霈而垂陰涼氣凄其薄體零雨鬱而下淫
覩川禽之遵渚看山鳥之歸林揮清波以濯羽翳綠葉而弄音行彌久而
情勞奎愈近而思深美品物以獨感悲網繆而在心嗟逝官之永久年荏
苒而歷茲越河山而託景眇四載而遠期孰歸寧之弗樂獨抱感而弗怡
又思歸賦曰余以元康六年冬取急歸而王師外征職典中兵與聞軍政
懼兵革未息宿願有違懷歸之思憤而成篇節運代序四氣相推寒風蕭

殺白露霑衣嗟行邁之彌留感時逝而懷悲彼離思之在人恒戚戚而無
歡悲緣情以自誘憂觸物而生端晝輟食而發憤宵假寐而興言羨歸鴻
以矯首挹谷風而如蘭歲靡靡而薄暮心悠悠而增楚風霏霏而入室響
泠泠而愁序既遨遊於川汜亦改駕乎山林伊我思之沈鬱愴感物而增
深歎隨風而上逝涕承纓而下尋冀王事之暇豫庶歸寧之有時候涼風
而警策指孟冬而為期願靈暉之促景相立表以望之 晉潘岳西征賦
曰歲次玄枵月旅製賓潘子馮軾西征自京徂秦皇鑿揆余之忠誠俄令
余以入班杖波人於西夏攜老幼而入關余乃越平樂過街郵秣馬臯門
稅駕西周澡孝水而濯纓嘉善名而在茲登峻坂之威夷仰崇嶺之嗟峨
臯託墳於南陵文違風於北阿躡函谷之重阻看天險之衿帶迹諸侯之
勇怯筭嬴氏之利害或開關以延敵競遁逃而奔竄發闕鄉而警策遡黃
卷而濟潼眺華嶽之陰崕覲高掌之遺蹤倦狹路之迫隘軌崎嶇以低昂
蹈秦郊而始關輟爽塏以宏壯黃壤千里沃野彌望華實芬敷桑麻滌暢
邪界囊斜右濱河隴寶雞前鳴甘泉後涌面終南而背雲陽跨平原而連

蟠冢九巖截萍泰山龍從吐清風之颺戾納歸雲之鬱蒼南有玄灞素湮
湯井温谷北有清渭濁涇蘭池周曲浸浹鄭白之渠漕引淮海之粟林茂
有鄠之竹山挺藍田之玉履犬戎之侵地疾幽后之詭惑舉僞烽以沮衆
淫嬖褒以縱慝軍敗戲水之上身死驪山之北異哉秦始皇之爲君也傾
天下以厚葬自開闢而未聞匠人勞而弗圖俾生理以報勤外罹西楚之
禍內受牧豎之焚語曰行無禮必自及此非效歟乾坤以有親可久君子
以厚德載物觀夫漢高之興也非徒聰明神武豁達大度而已乃實慎終
追遠篤誠款愛澤靡不漸恩無不逮率土且猶不遺而況於鄰里乎而況
於卿士乎於斯時也乃摹寫舊豐制造新邑故社易置粉榆遷立街衢如
一庭宇相襲渾雞犬而亂放各識家而競入籍舍怒於鴻門沛躡躡而來
王范謀害而弗許陰授劔以約莊捧白刃以萬舞危冬葉之待霜爾乃階
長樂登未央汎太液凌建章榮馭娑而款駘盪轡枵詣而轡承光徘徊桂
宮惆悵柏梁驚雉雉於臺陂狐兔窟於殿傍何黍苗之離離而予思之茫
茫 晉郭璞流寓賦曰戒雞晨而星發至猗氏而方曉觀屋落之隳殘頽

但見乎丘東嗟城池之不固何人物之希少越南山之高嶺修焦丘之微
路駭斯徑之峻絕感王陽而增懼詰朝發於解池辰中暨乎河北思此縣
之舊名蓋曩日之魏國詠詩人之流歌信風土之儉刻背茲邑之迥逝何
險難之多歷望陝城於南涯存虢氏之疆場實我姓之攸出邈有懷乎乃
迹陟函谷之高關壯斯勢之險固過王成之丘墉想穀洛之合闔惡王靈
之壅流竒子喬之輕舉遊華輦而永懷乃凭軾以寓目思文公之所營蓋
成周之墟域 晉張載敘行賦曰歲大荒之孟夏余將往乎蜀都脂輕車
而秣馬循路軌以西徂朝發軔于京宇兮夕予宿於穀洛踐有周之舊墟
掘丘荒以寥廓讚王孫於北門問九鼎於東郭寔公目之所卜曷斯水之
濱薄入函谷而長驅歷新安之鹵阜行逶迤以登降涉二嶠之重阻經嶽
峯之險巖想姬文之避雨出潼關以迴逝仰華岳之崔嵬勒大禹之疏導
豁龍門之洞開舍予車以步趾玩卉木之璀璨翳青青之長松蔭蕭蕭之
高柞緣阻岑之絕崖蹈偏梁之懸閣石壁立以切天岌嶷隗其欲落超陽
平而越白水稍幽夢以迺深秉重疊之百層轉木末於九岑浮雲起於穀

下零雨集於麓林上昭晰以清陽下杳冥而晝陰聞山鳥之晨鳴聽玄猿
之夜吟雖處者之所樂嗟寂寞而愁予心造劒閣之崇關路盤曲以膾藹
山崢嶸以峻狹仰青天其如帶兼習坎之重固形東隘以要害豈乾坤之
分域將隔絕乎內外 晉袁宏東征賦曰惟吾生於末運託一葉於鄧林
顧微軀之眇眇若絕響之遺音壯公瑾之明達吐不世之奇策挫百勝於
崇朝靡雲旗於赤壁三光一舉而參分四海指麾而中隔過武昌以逍遙
登樊山以流眄訪遺老以證往乃西鄂之舊縣曩有吳之初基升員丘而
豹變爾乃出桑洛會通川背彭澤面長泉洲渚迢遞巖岫虛懸即雲似嶺
望水若天日月出乎波中雲霓生於浪間嗟我行之彌留跨晦朔之倏忽
風塞林而蕭瑟雲出山而逢渤向孫氏之南面鑽靈龜以相土模艷鎬之
制度寫河洛之規矩經始鄂郭築室葺宇金城萬雉崇墉百堵君臣有章
上下獲叙所以能三分天下而有其文武到吳都以停舟覽闔閩之餘塵
建修城以營郭引通流而發津遠矣吳德舊邦惟新太伯被髮仲雍文身
言偃以文學遺風季札以讓國稱仁高節顯於華夏端委行乎海濱 宋

謝靈運歸塗賦曰昔文章之士多作行旅賦或欣在觀國或怵在斥徒或
述職邦邑或羈役戎陣事由於外興不自己雖高才可推求懷未愜今量
分告退反身草澤經塗履運用感其心賦曰承百世之慶靈遇千載之優
渥匪康衢之難踐諒跬步之易局踐寒暑以推換眷桑梓以緬邈褫簪帶
於窮城反巾褐於空谷果歸期於願言獲素念於思樂於是舟人告辦行
楫在川觀鳥候風望景測圓背海向溪乘潮傍山悽悽送歸愍愍告旋時
旻秋之杪節天既高而物衰雲上騰而雁翔霜下淪而草腓捨陰漠之舊
浦去湯景之芳蕤林承風而飄落水鑿月而含輝發青田之枉渚逗白岸
之空亭路威夷而詭狀山側背而易形停余舟而淹留搜縉雪之遺迹漾
百里之清潭見千仞之孤石歷古今而長在經盛衰而不易 宋鮑照遊
思賦曰雲遙兮海衝上潮兮送風秋水兮架浦涼烟兮冒虹暮氣起兮遠
岸黑陽精滅兮天際紅波茫茫兮無底山參參兮萬重捨堂宇之密親坐
江潭而爲客對蒹葭之遂黃視零露之方白鴻晨驚以響湍泉夜下而鳴
石瞻荆吳之遠山望邯鄲之長陌塞風馳兮邊草飛胡沙起兮雁揚翮雖

燕越之異心在禽鳥之同戚 齊謝朓思歸賦曰余菲薄以固陋受恩靈而不訾拖銀黃之沃若剖金符之陸離舟未濟而河廣途方遙而馬疲紛吾生之遊薄彌一紀而歷茲自下車於江海涉青春而於是時瞻崇芒而引領望大夏而長思離曲街之委陋猶寤寐而見之余乃眷言與慕南眺猶然將整歸轡願受一廛考幸城之直陌相洛浦之廻阡於是援搖芳槿門拂長楊簷桃春發窓竹夏涼晨露晞而草馥微風起而樹香恒離居而歲月痛銷落而徒傷 梁簡文帝述羈賦曰奉明后之霑渥將遠述於衡楚歎雲霞之宵漫對江山之遙阻是時孟夏首節雄風吹旬晚解纜平鄉津涕淫淫其若霰舟飄飄而轉遠顧帝都而裁見遠山碧暮水紅日既晏誰與同雲差我而出岫江搖漾而生風奉爾聖言而邁邁改余玉於江隈連陽塗而中正軫悲心其若頽引領京邑望步遠戀逐雲飛思隨蓬卷觀江水之寂寥願從流而東反 又阻歸賦曰觀建國之皇王選能官於前古元帝慈而布教豈齊聖而作輔伊吾 之固陋宅璇漢而自通躡九枝而耀景揔六翮而搏風屬玄玦之啓異 王琴之相驚頓天羅於八表騰

雲驅於四溟發伏鬱之雄氣耀策馬之高皇土地邇朔場疆鄰北極壠樹饒風胡天少色上月斜臨寒松逆直雲向山而欲飲雁疲飛而不息何愁緒之交加豈樹萱與折麻聞繁絃之韻冰聽流風之入笳終知客遊之阻無解鄉路之賒 梁江淹待罪江南思比歸賦曰惟江南兮丘墟經萬里兮長蕪帶封狐兮比景連雄虺兮蒼梧當青春而離散方仲秋而遂徂雲清冷而多緒風蕭條而無端援之吟兮日光迫狃之啼兮月色寒况北州之賤士爲炎土之流人共魍魎而相偶與蠪蛸而爲鄰秋露下兮點劍烏春苔生兮綴衣巾 梁丘遲還林賦曰爰自京師言歸舊嶺今風古轍每動寸衷因事而書不覺成卷非謂爲文聊記行途所經云爾太皞弭節祝融登駕炎鍾汎響青籥靜吹丘子稅轅畿路揔舳川湄褫魂故嶺結夢舊壩揆身世而載懷鏡古今而興辭驗難停於楊轍昭易改於墨絲匪追舉而辯命豈適尹而問著檐登無白壁之想負書靡黑豹之悲纜解山潮首顧京遊仰絳珠之紛迴與素津之容裔荃撓往來芟蓋經過依侖子陵之釣鬣鬣滄浪之歌出入風霞游息雲露階伺禽飛窓高月渡踟躕七教徘徊

五禮永翦帶於關上長緝巾平林底 梁沈約愍塗賦曰結枵窮者思臨
長嶼情依舊越身經故楚彼長路之多端伊客心之無緒權因循而易失
悲田心而難拒此江海之信遠知余思之方阻日掩長浦風掃曉霞疊雲
凝憤廣水騰華聽奔沸於洲嶼望掩曖乎烟沙依雲邊以知國極鳥道以
瞻家免悽愴於羈離亦殷勤於行路歎余塗之屢蹇奚前芳之可慕 梁
張纘南征賦曰歲次姬訾月惟中呂余謁帝於承明將述職於南楚忽中
川而反顧懷舊鄉而延佇沂金牛之迅者覩靈濤之雄壯標素嶺乎青壁
葺頰文於翠障跳巨石以驚湍批衝岩而駭浪鏗千尋之峭峯深萬流之
大壑隱日月以蔽虧搏風烟而迴薄崖映川而晃朗水騰光以倏爍下流
湍而存險上岑峯而將落於是近睇楮峯遙瞻鵲岬島嶼蒼茫風霜蕭散
值時雨之新晴觀百川之浩汗水泓澄以闇夕山參差而辨旦忽臨睨於
故鄉聊江天其無畔獨向風而舒情攀芳洲而誰玩於是千流共歸萬嶺
分狀清江洗潮平湖夷暢翻光轉彩出沒搖漾岷山嶠冢悠遠寂寥青溢
亦岸控汝引潮界飛流於翠薄耿長虹於青霄若夫灌漑川涯曾潭水府

游泳之所往還喧鳴之所攢聚聆寡鶴之偏叫問孤鴻之慕侶在客行而
多思獨傷魂而悽楚 陳沈炯魂歸賦曰值天地之輻裂遭日月之雲如
去父母之邦國埋形影於胡戎絕君臣而辭骨肉躋厚地而躡蒼穹抱北
思之胡馬望南飛之夕鴻泣霑衿而雜露悲微吟而帶風履我我之層冰
面颺颺之嚴霜去莫敖之所縊過臨川之折軸矧今古之悲涼並攢心而
霜袂渡狹石之欹危跨清津之幽咽雁虛弓而自殞後叫子而腸裂歷江
漢之逶迤及樊郡之參差望隆中之大宅映峴首之沉碑乃尋折而歷裔
遂經秦而至洛覺高蹈之清遠見風雲之倏爍何武關之狹隘而漢祖之
英雄山萬重而仰雲霧水百仞而寫蜿蜒去青泥而踰白鹿越產水而至
青門長卿之賦可想邵平之迹不存咄嗟驪山之阜惆悵灞陵之園訪軹
道之長組拾藍田之璵璠登未央之北闕望長樂之基趾伊太后之所居
築旗亭而成市槐路鬱以三條方塗阻而九軌觀阡陌之遺蹤實不乖於
前史傷直城而北轉臨橫門而左起泊涇泥之混濁盥渭渚之清波指咸
陽而長望何李趙之經過息甘泉而避暑猶爽塏而清和至誠可以感鬼

秉信可以祈天何精殞而魄散忽竟歸而氣旋解龍驂而見送走却驛於
停傳出向來之大道及初入之山川愛繞朝之贈策報李陵之別篇淚未
悲而自墮語有噎而無宣書宋鮑照與妹書曰吾自發寒雨而全行日
少棧石星飯結荷水宿以今食時僅及大雷塗登千里日踰一辰去親爲
客如何如何向因步頓馮觀川陸遨神清渚流睇方曛東顧三洲之隔西
眺九派之分闕地門之絕景望天際之孤雲南則積山萬狀爭氣負高含
霞飲景參差代雄陵跨長隴前後相屬帶天有匝橫地無窮東則砥原遠
隰亡端靡際寒逢夕卷古樹雲平旋風四起思鳥群歸靜聽無聞極視不
見北則陂池潛演湖澤脉通栖風之鳥水化之蟲以智吞愚因彊捕小號
噪驚聒紛勃其中西則迴江永拍長波吞合滔滔何窮漫漫安竭左右青
藹表裏紫霄從嶺而西氣盡金光半山以下純爲黛色信可以神居帝郊
鎮控湘漢者也夕景欲沉曉露將合孤鶴寒嘯遊鴻遠吟樵蘇一歎舟子
再滋誠足憂悲不可說也

藝文類聚卷第二十七

藝文類聚卷第二十八

人部十二 遊覽

遊覽

家語曰孔子北遊登農山子路子貢顏回侍孔子四望喟然歎曰二三子
各言爾志 穆天子傳曰天子遂襲崑崙之丘遊軒轅之宮眺望鍾山之
嶺玩帝者之寶勒石王母之山紀述玄圃之上乃取其嘉木艷草奇鳥怪
獸玉石珍瑰之器重膏銀燭之寶 又曰天子北昇于春山之上以望四
野春山是惟天下之高山也天子五日觀于春山之上 史記曰始皇三
十七年上會稽山望于南海立石刻頌秦德還過吳從江乘渡徬海上北
至琅邪 又曰太史公登會稽山探禹穴登姑蘇望五湖 莊子曰莊子
與惠子遊濠梁之上莊子曰儵魚出遊從容是魚樂也惠子曰子非魚焉
知魚之樂也莊子曰子非我焉知吾不知魚之樂也 楚辭曰覽異州兮
有餘橫四海兮焉發 又曰登崑崙兮四望心飛揚兮浩蕩日將暮兮悵
忘歸遺極浦兮悟懷 韓詩外傳曰齊景公遊於牛山而北望齊曰美哉